



**ქართული ცეკვის ან მსოფლიო ხალხთა ცეკვის დამდგმელი ქორეოგრაფის საბაკალავრო პროგრამის შემოქმედებითი კონკურსი (შემოქმედებითი ტურები)**

*1. რეგისტრაცია შემოქმედებით კონკურსში მონაწილეობის მისაღებად*

- შემოქმედებით კონკურსში მონაწილეობის მისაღებად, აბიტურიენტმა რეგისტრაცია უნდა გაიაროს საქართველოს უნივერსიტეტის ვებ-გვერდზე [www.ug.edu.ge](http://www.ug.edu.ge) და უნდა მიუთითოს შეფასებისა და გამოცდების ეროვნულ ცენტრში, ერთიან ეროვნულ გამოცდებზე რეგისტრირებული შესაბამისი პროგრამა;
- შემოქმედებით კონკურსში მონაწილეობის მსურველებმა რეგისტრაცია უნდა გაიარონ მითითებულ ვადებში, (ვადები გამოქვეყნდება უნივერსიტეტის ვებ-გვერდზე [www.ug.edu.ge](http://www.ug.edu.ge)) წინააღმდეგ შემთხვევაში აბიტურიენტები ვეღარ დარეგისტრირდებიან.

*2. შემოქმედებით ტურებსა და კონსულტაციებზე აბიტურიენტებს მოეთხოვებათ:*

- შემოქმედებით ტურებსა და კონსულტაციებზე აბიტურიენტის დასწრება სავალდებულოა.
- შემოქმედებით ტურებსა და კონსულტაციებზე, აბიტურიენტები უნდა გამოცხადდნენ დაწყებამდე 30 წუთით ადრე.
- ტურებზე და კონსულტაციებზე აბიტურიენტი ვალდებულია თან იქონიოს პირადობის მოწმობა და სარეპეტიციო უნიფორმა.
- ტურებზე და კონსულტაციებზე შეუძლია შეიტანოს მხოლოდ წყალი და ჰიგიენისთვის საჭირო პირადი მოხმარების საგნები. აგრეთვე ცეკვაში საჭირო რეკვიზიტები (პედაგოგთან წინასწარი შეთანხმებით)

*3. აბიტურიენტებს ეკრძალებათ:*

- საკონკურსო ან კონსულტაციების პროცესის თვითნებურად დატოვება.
- მობილური ტელეფონის და აუდიო, ფოტო-ვიდეო ტექნიკის შეტანა.
- აბიტურიენტებისთვის დახმარების გაწევა ან ხელის შეშლა.
- აღნიშნული მოთხოვნების ან ეთიკის ნორმების დარღვევის სხვა შემთხვევაში, პირველ ჯერზე მიეცემა სიტყვიერი გაფრთხილება. განმეორების შემთხვევაში, მოიხსნება შემოქმედებითი ტურებიდან.

**ქართული ცეკვის ან მსოფლიო ხალხთა ცეკვის დამდგმელი ქორეოგრაფი  
საბაკალავრო პროგრამა**

*შემოქმედებითი ტურების მოთხოვნები და შეფასების კრიტერიუმები*

საგანმანათლებლო პროგრამაზე აბიტურიენტი ჩაირიცხება საუნივერსიტეტო შემოქმედებითი ტურების გადალახვისა და ერთიანი ეროვნული გამოცდების შედეგების საფუძველზე ან საუნივერსიტეტო შემოქმედებითი ტურების გადალახვისა და საქართველოს განათლებისა და მეცნიერების მინისტრის №224/ნ (2011 წლის 29 დეკემბერი) ბრძანების შესაბამისად.

საუნივერსიტეტო შემოქმედებითი ტურები გაიმართება ერთიან ეროვნულ გამოცდებამდე. ტურებში მონაწილე აბიტურიენტს აფასებს საგამოცდო კომისია, რომელიც დაკომპლექტებულია უნივერსიტეტის შესაბამისი მიმართულების პროფესორ-მასწავლებლებისგან (3 წევრი). არადამაკმაყოფილებელი შეფასების მიღების ან გამოუცხადებლობის შემთხვევაში, აბიტურიენტი არ დაიშვება შემდეგ ეტაპზე. პირველი ტურის შემდეგ იმართება კონსულტაციები, სადაც აბიტურიენტების დასწრება სავალდებულოა. ტურები ჩატარდება ორ ეტაპად:

**პირველი** არის შესარჩევი ტური. აბიტურიენტმა პირველ ტურში მინიმალური ბარიერი უნდა გადალახოს. ტურის მეშვეობით განისაზღვრება, აპლიკანტის მუსიკალური მონაცემები: მუსიკალური სმენა, რიტმის შეგრძნება, მუსიკალური მეხსიერება და ელემენტარული პლასტიკა: ა) აპლიკანტის მიერ წინასწარ შერჩეული და მომზადებული საცეკვაო კომბინაციით (24-32 მუს. ტაქტი. აპლიკანტმა თავად უნდა წარმოადგინოს მის მიერ შერჩეული მზა მუსიკალური მასალა/ფონოგრამა MP3 ფორმატი); აპლიკანტის მიერ წინასწარ შერჩეული და მომზადებული საცეკვაო კომბინაციით (24-32 მუს. ტაქტი); ბ) ტურის მიმდინარეობისას საგამოცდო კომისიის მითითებით, ექსპრომტად შედგენილი საცეკვაო კომბინაციით (24 მუს. ტაქტი). აბიტურიენტი მოისმენს ექსპრომტად შეთავაზებულ მუსიკას და მის საფუძველზე 5 წუთის განმავლობაში უნდა შეადგინოს საცეკვაო კომბინაცია (იმპროვიზირება).

**მეორე** ტურში აპლიკანტმა უნდა წარმოადგინოს, წინასწარ შერჩეულ მზა მუსიკაზე/ფონოგრამაზე (MP3 ფორმატი. ქრონომეტრაჟი არ უნდა აღემატებოდეს 3 წუთს) საკონსულტაციო პერიოდში მის მიერ დადგმული მცირე ფორმის ხალხური ცეკვა (წყვილთა, ჯგუფური ან მასობრივი. დაუშვებელია ცეკვაში ხმლის, ხანჯლის და სხვა ბასრი საცეკვაო რეკვიზიტების გამოყენება). ავტორმა ზეპირი ფორმით უნდა შეძლოს, დადგმული ცეკვის მცირე ანალიზი. ცეკვაში მონაწილეობენ მხოლოდ მეორე ტურში დაშვებული აპლიკანტები.

- არადამაკმაყოფილებელი შეფასების მიღების ან გამოუცხადებლობის შემთხვევაში, აბიტურიენტი არ დაიშვება კონკურსის შემდგომ ეტაპზე.
- II შემოქმედებითი ტური ტარდება სხვა აბიტურიენტების თანდასწრებით. შემოქმედებითი ტურები გადაღებული/დაფიქსირებული იქნება ვიდეო კამერით. აბიტურიენტს სურვილის შემთხვევაში უფლება აქვს, მისთვის არასასურველი შედეგი გაასაჩივროს და მიმართოს უნივერსიტეტის სააპელაციო კომისიას.

### შეფასების კრიტერიუმები

**I ტურში** ფასდება 1. აპლიკანტის მუსიკალური მონაცემები: ა) მუსიკალური სმენა; ბ) რიტმის შეგრძნება; გ) მუსიკალური მეხსიერება; 2. აპლიკანტის ელემენტარული პლასტიკა.

*I ტურში ჩამოთვლილი თითოეული კომპონენტი ფასდება 3 ქულიანი სისტემით (ჯამში 12 ქულა) :*

1. არადამაკმაყოფილებელი 0 - 3 ქულა.
2. ნაწილობრივ დამაკმაყოფილებელი 4- 6 ქულა.
3. კარგი 7- 9 ქულა.
4. ძალიან კარგი 10-12 ქულა.

2.1 აპლიკანტის მიერ წინასწარ შერჩეული მუსიკის საფუძველზე, მომზადებული საცეკვაო კომბინაცია (24-32 მუს. ტაქტი).

2.2 საგამოცდო კომისიის მითითებით, ექსპრომტად შედგენილი (იმპროვიზირება) საცეკვაო კომბინაცია ( 24 მუს. ტაქტი). აბიტურიენტი მოისმენს ექსპრომტად შეთავაზებულ მუსიკას და მის საფუძველზე 5 წუთის განმავლობაში უნდა შეადგინოს/შეასრულოს საცეკვაო კომბინაცია.

2.1. (აპლიკანტის მომზადებული კომბინაცია) ფასდება 5 ქულიანი სისტემით (ჯამში 25ქულა) :

1. საშემსრულებლო ოსტატობა	5 ქულა	25-21	100%
2. მუსიკალურობა	5 ქულა	20-16	75%
3. მოძრაობების ლოგიკურობა	5 ქულა	15-11	50%
4. ტექნიკურობა	5 ქულა	10-6	25%
5. ტრადიციული შემსრულებლობა	5 ქულა	5-0	0%

2.2. (ექსპრომტად შედგენილი კომბინაცია) ფასდება 5 ქულიანი სისტემით (ჯამში 25ქულა) :

1. საშემსრულებლო ოსტატობა	5 ქულა	25-21	100%
2. მუსიკალურობა	5 ქულა	20-16	75%
3. იმპროვიზირება	5 ქულა	15-11	50%
4. ტექნიკურობა	5 ქულა	10-6	25%
5. მოძრაობების ლოგიკურობა	5 ქულა	5-0	0%

**II ტურში** აპლიკანტი კომისიის წინაშე უნდა წარდგეს, მის მიერ დადგმული მცირე ფორმის ხალხური ცეკვით. (ცეკვის ქრონომეტრაჟი: 2 წუთიდან 3 წუთამდე).

*II ტური ფასდება 5 ქულიანი სისტემით (ჯამში 25 ქულა):*

1. ცეკვის იდეურ-თემატური გამართულობა	5 ქულა	25-21	100 %
2. ცეკვის დრამატული სრულყოფილება	5 ქულა	20-16	75 %
3. ცეკვის ნახაზი და მისი მრავალფეროვნება	5 ქულა	15-11	50 %
4. ქორეოგრაფიული ლექსიკა	5 ქულა	10-6	25 %
5. ცეკვის მუსიკალური შინაარსი	5 ქულა	5-0	0 %

მისამართი: ქორეოგრაფიული დარბაზი, აღმაშენებლის 150.

Tel: 592 45 43 34;

595 60 62 75

*შემოქმედებითი ტურების ვადებია:*

*I ტური - 31 მაისი (11:00 საათი)*

*კონსულტაციები - 2-6 ივნისის ჩათვლით;*

*II ტური - 7 ივნისი*